

四庫全書

集部

欽定四庫全書

唐詩品彙卷八十五

明 高棟 編

七言律詩四

羽翼

錢起

和李員外扈駕幸溫泉宮

未央月曉度疎鐘
鳳輦時巡出九重
雪霽山門迎瑞日

雲開水殿候飛龍，輕寒不入宮中樹。
佳氣常浮仗外峯，遙羨枚臯扈仙蹕。
偏承霄漢渥恩濃。

贈闕下裴舍人

二月黃鸝飛上林，春城紫禁曉陰陰。
長樂鐘聲花外盡，龍池柳色雨中深。
陽和不散窮途恨，霄漢常懸捧日心。

獻賦十年猶未遇，羞將白髮對華簪。

劉云有情有味
有體色深可觀

漢武出獵

漢家無事樂時雍，羽獵年年出九重。
玉帛不朝金闕路，

旌旗長繞綵霞峯且貪原獸輕黃屋寧畏漁人犯白龍
薄暮方歸長樂觀垂楊幾處綠烟濃

和王員外晴雪早朝

紫微晴雪帶恩光繞仗偏隨鴛鷺行長信月留寧避曉
宜春花滿不飛香獨看積素凝清禁已覺輕寒讓太陽
題柱盛名兼絕唱風流誰繼漢田郎

宴曹王宅

賢王駟馬退朝初小苑三春帶雨餘林沼葱蘢多貴氣

樓臺隱映接天居，仙鷄引敵穿紅藥。
宮燕銜泥落綺疏，自嘆平生相識願。
何如今日廁應徐。

登劉賓客高齋

時公初退相

能以功成踈寵位，不將心賞負雲霞。
林間客散孫弘閣，城上山宜綺季家。
胡蝶晴連池岸草，黃鸝晚出柳園花。
日陪鯉也趨文苑，誰道門生隔絳紗。

樂遊原晴望上中書李侍郎

爽氣朝來萬里清，憑高一望九愁輕。
不知鳳沼霖初霽，

但覺堯天日轉明
四野山河通遠色
千家砧杵動秋聲
遙想青雲丞相府
何時開閣引書生

長信怨

長信螢來一葉秋
蛾眉淚盡九重幽
鵲觀前明月度
芙蓉闕下絳河流
駕余久別難為夢
鳳管遙聞更起愁
誰分昭陽夜歌舞
君王玉輦正淹留

送張員外出牧岳州

鳳凰銜詔與何人
善政多才寵寇恂
臺下鴛鴦爭送遠

岳陽雲樹待行春
自憐黃閣知音在
不厭彤襜出守頻
應笑馮唐棄且拙
世情相見白頭新

送裴頤侍御使蜀

柱史纔年四十強
髭髯玄髮美清揚
朝天繡服乘恩貴
出使星輶滿路光
錦水繁花添麗藻
蛾眉明月引飛觴
多才自有雲霄望
計日應追鴛鴦行

送李評事赴潭州使幕

湖南遠去有餘情
蘋葉初齊白芷生
漫說簡書催物役

遙知心賞緩王程興過山寺先雲到笑引江帆帶月行
幕下由來貴無事佇聞談笑靜黎忙

送興平王少府遊梁

舊識相逢情更親攀攢甚少愴離頻黃綬罷來多遠客
青山何處不愁人日斜官樹聞蟬滿雨過關城見月新
梁國遺風重詞賦諸侯應念馬卿貧

送嚴維尉河南

蕙葉青青花亂開少年趨府下蓬萊甘泉未厭揚雄賦

吏道何勞賈誼才
征陌獨愁飛蓋遠
離筵只惜暝鐘催
欲知別後相思處
願植瓊枝向柏臺

送韋信愛子歸覲

離舟解纜到斜暉
春水東流雁北飛
才子學詩趨露冕
棠花含笑侍斑衣
稍聞江樹啼猿近
轉覺山林過客稀
借問還珠盈合浦
何如鯉也入庭闈

贈張南史

紫泥何日到滄洲
嘆向東陽沈隱侯
黛色晴峰雲外出

殺紋江水縣前流使臣自欲論公道才子非關厭薄遊
溪畔秋蘭雖可佩知君不得少停舟

山中訓楊補闕見過

日暖風恬種藥時紅泉翠壁薜蘿垂幽溪鹿過苔還靜
深樹雲來鳥不知青瑣同心多逸興春山載酒遠相隨
却慚身外牽纓冕未勝尊前倒接離

七盤路阻寇聞李端公先到南楚

日莫窮途淚滿襟雲天南望羨飛禽阮腸暗與孤魂斷

江水遙連別恨深
明月既能通憶夢
青山何用隔同心
秦楚眼看成絕國
相思一寄白頭吟

夜宿靈臺寺寄卽士元

西日橫山含碧空
東方吐月滿禪宮
朝瞻雙頂青冥上
夜宿諸天色界中
石潭倒映蓮花水
塔院空聞松柏風
萬里故人能尚爾
知君視聽我心同

題嵩陽焦道士石壁

三峯花畔碧堂懸
錦里真人此得仙
玉醴纔飛西蜀雨

霓裳欲向大羅天
綵雲不散燒丹竈
白鹿時藏種玉田
幸入桃源因去世
方期丹訣一延年

劉長卿

上陽宮望幸

玉輦西巡久未還
春光又入上陽間
萬木長承新雨露
千門空對舊河山
深花寂寂宮城閉
細草青青御路閒
獨見綵雲飛不盡
只應來去候龍顏

過賈誼宅

三年謫宦此栖遲萬里惟留楚客悲
秋草獨尋人去後寒林空見日斜時
漢文有道恩猶薄湘水無情弔豈知
劉云怨甚寂寂江山搖落處憐君何事到天涯

登餘干古城

孤城上與白雲齊萬古蕭條楚水西
官舍已空秋草沒女牆猶在夜烏啼
平沙渺渺迷人遠落日亭亭向客低
飛鳥不知陵谷變朝來暮去弋陽溪

獻淮寧軍節度李相公

建牙吹角不聞喧三十登壇衆所尊家散萬金訓士死

身留一劍答君恩

劉云國
爾忘家

漁陽老將多回席魯國諸生

半在門白馬翩翩春草綠邵陵西去獵平原

送李將軍迎故使中丞旅櫬赴京

征西諸將不如君報德誰能不顧勲身逐塞鴻來萬里
手披荒草看孤墳擒生絕漠經胡雪懷舊長沙哭楚雲
歸去蕭條灞陵上幾人看葬李將軍

使次安陸寄友人

新年草色遠萋萋久客將歸問路蹊暮雨不知湏口處
春風只到穆陵西孤城盡日空花落三戶無人自鳥啼
君在江南相憶否門前五柳幾枝低

自夏口至鸚鵡洲望岳陽寄阮中丞

汀洲無浪復無烟楚客相思益渺然漢口夕陽斜度鳥
洞庭秋水遠連天孤城背嶺寒吹角獨戍臨江夜泊船
賈誼上書憂漢室長沙謫去古今憐

江州重別薛六柳八二員外

生涯豈料承優詔
世事空知學醉歌
江上月明胡雁過
淮南木落楚山多
寄身且喜滄洲近
顧影無如白髮何
今日龍鍾人共棄
媿君猶遣慎風波

贈別嚴士元

春風倚棹闔閭城
水國春寒陰復晴
細雨濕衣看不見
閒花落地聽無聲
日斜江上孤帆影
草綠湖南萬里情
東道若逢相識問
青袍今已誤儒生

送耿拾遺歸上都

若為天畔獨歸秦對水看山欲暮春窮海別離無限路
隔河征戰幾歸人長安萬里傳雙淚建德千峯寄一身
想到郵亭愁駐馬不堪西望見風塵

送常十九歸嵩少故林

迢迢此恨杳無涯楚澤嵩丘萬里賒岐路別時驚一葉
雲林歸處憶三花秋天蒼翠寒飛雁古堞蕭條晚噪鴉
他日山中逢勝事桃源洞裏幾人家

送陸澧倉曹西上

長安此去欲何依
先達誰當薦陸機
日下鳳翔雙闕迴
雪中人去二陵稀
舟從故里難移棹
家在寒塘獨掩扉
臨水自傷流落久
贈君空有淚霑衣

送柳使君赴袁州

宜陽出守新恩至
京口因家始願違
五柳閉門高士去
三苗按節遠人歸
月明江路聞猿斷
花暗山城見吏稀
唯有郡齋牕裏岫
朝朝空對謝玄暉

青溪口送人歸岳州

洞庭何處雁南飛
江萑蒼蒼客去稀
帆帶夕陽千里沒
天連秋水一人歸
黃花衰露開沙岸
白鳥銜魚上釣磯
岐路相逢無可贈
老年空有淚霑衣

送馬秀才落第歸江南

南客懷歸鄉夢頻
東門悵別柳條新
殷勤斗酒城陰暮
蕩漾孤舟楚水春
湘竹舊斑思帝子
江蘼初綠怨騷人
憐君此去未得意
陌上愁看淚滿巾

送李錄事兄歸襄陽

十年多難與君同幾處移家逐轉蓬
白首相逢征戰後青春已過亂離中
行人杳杳看西月歸馬蕭蕭向北風
漢水楚雲千萬里天涯此別恨無窮

送皇甫曾赴工部

東遊久與故人違西去荒涼舊路微
秋草不生三逕處行人獨向五陵歸
離心日遠如流水回首川長共落暉
楚客豈勞傷此別滄江欲暮自沾衣

送惠法師遊天台因懷支大師故居

翠屏瀑水知何在鳥道猿啼過幾重
落日獨搖金策去
深山誰向石橋逢
定攀巖下叢生桂
欲買雲中若箇峯
想憶東林禪誦處
寂寥唯聽舊時鐘

送靈徹上人還越

禪客無心杖錫還
沃州深處草堂閒
身隨敝履經殘雪
手綻寒衣入舊山
獨向青溪依樹下
空留白日在人間
那堪別後長相憶
雲木蒼蒼但閉關

將赴嶺外留題蕭寺遠公院

竹房遙閉上方幽
苔徑蒼蒼訪昔遊
內史舊山空日暮
南朝古木向人秋
天香月色同僧室
葉落猿啼傍客舟
此去播遷明主意
白雲何事欲相留

題靈祐和尚故居

嘆逝翻悲有此身
禪房寂寞見流塵
六時行逕空秋草
幾日浮生哭故人
風竹自吟遙入磬
雨花隨淚共沾巾
殘經牕下依然在
憶得山中問許詢

唐詩品彙卷八十五

欽定四庫全書

唐詩品彙卷八十六

明 高棟 編

七言律詩五

接武_上

韋應物

燕李錄事

與君十五侍皇闈
曉拂爐香上赤墀
花開漢苑經過處

雪下驪山沐浴時近臣零落今猶在仙駕飄飄不可期
此日相逢思舊日一杯成喜又成悲

自鞏洛舟行入黃河即事寄府縣僚友

綠水蒼山路向東東南山豁大河通寒樹依微遠天外
夕陽明滅亂流中孤村幾歲臨伊岸一雁初晴下朔風
為報洛橋遊宦侶扁舟不繫與心同

寓居澧上精舍寄于張二舍人

萬木叢雲出香閣西連碧澗竹林園高齋獨宿遠山曙

微霰下庭寒雀喧道心淡泊對流水生事蕭條空掩門
劉云寂寞時憶故交那得見曉排闥闔奉明恩
有汎着意

寄李儋元錫

去年花裏逢君別今日花開又一年世事茫茫難自料
春愁黯黯獨成眠身多疾病思田里邑有流亡愧俸錢
蒼溪云士君子當以此切切存心彼此聞道欲來相
供租斂事土木視民如仇者得無愧此

問訊西樓望月幾回圓

皇甫冉

同溫丹徒登萬歲樓

高樓獨上思依依極浦遙山含翠微江客不堪頻北望
塞鴻何事又南飛丹陽古渡寒烟積瓜步空洲遠樹稀
聞道王師猶轉戰誰能談笑解重圍

宿淮陰南樓酌常伯能

淮陰日落上南樓喬木荒城古渡頭浦外野風初入戶
牕中海月早知秋滄波一望通千里畫角三聲起百憂
佇立分宵絕來客煩君步履忽相求

秋日東郊作

閒看秋水心無事，坐對寒松手自栽。
廬岳高僧留偈別，茆山道士寄書來。
燕知社日辭巢去，菊為重陽冒雨開。
淺薄將何稱獻納，臨岐終日獨裴回。

三月三日義興李明府後亭泛舟

江南煙景復如何，聞道新亭更可過。
處處蘩蘭春浦綠，萋萋藉草遠山多。
壺觴須就陶彭澤，風俗猶傳晉永和。
更使輕桡徐轉去，微風落日水增波。

送李錄事赴饒州

北人南去雪紛紛
雁叫汀洲不可聞
積水長天隨遠客
荒城極浦足寒雲
山從建業千峯出
江至潯陽九派分
借問督郵纔弱冠
府中年少不如君

送錢塘路少府赴制舉

公車待詔赴長安
客裏新正阻舊歡
遲日未能銷野雪
晴花偏自犯江寒
東溟道路通秦塞
北闕威儀擁漢官
共許郗生工射策
恩榮請向一枝看

訓李補闕

十年歸客但心傷
三選無人已自荒
夕宿靈臺伴烟日
晨趨建禮逐衣裳
偶因麋鹿隨豐草
謬荷鵷鷺借末行
縱有諫書猶未獻
春風拂地日空長

使往壽州淮路寄劉長卿

榛草荒涼村落空
驅馳卒歲亦何功
蕪葭曙色蒼蒼去
蟋蟀秋聲處處同
鄉路遙知淮浦外
故人多在楚雲中
日夕烟霜那可道
壽陽西去水無窮

秋夜有懷高三十五兼呈空和尚

晚節聞君趨道深，結茅栽樹近東林。
大師幾度曾摩頂，高士何年遂發心。
北渚三更聞過雁，西城萬里動寒砧。
不見支公與玄度，相思擁膝坐長吟。

皇甫曾

早朝日寄所知

長安雪後見歸鴻，紫禁朝天拜舞同。
曙色漸分雙闕下，漏聲遙在百花中。

劉云清麗

爐煙乍起開仙仗，玉珮成行引

上公共荷發生同雨露不應黃葉久從風

奉寄中書王舍人

腰金載筆謁承明至道安禪得此生西掖幾年綸綍貴
東山遙夜薜蘿情風傳刻漏星河曙月上梧桐雨露清
聖主好文誰為薦閉門空賦子虛成

張芬見訪郊居作

林中雨散早涼生已有迎秋促織聲三徑荒蕪羞對客
十年衰老愧稱兄愁心自惜江蘺晚世事方看木槿榮

君若罷官攜手去尋山莫計白雲程

秋夕寄懷契上人

已見槿花朝委露獨悲孤鶴在人羣真僧出世心無事
靜夜名香手自焚牕臨絕澗聞流水客至孤峯掃白雲
更想清晨誦經處獨看松上雪紛紛

李嘉祐

同皇甫冉登重玄閣

高閣朱闌不厭遊蘼葭白水繞長洲孤雲獨鳥川光暮

萬井千山海氣秋清梵林中人轉靜夕陽城上角偏愁
誰堪遠作秦吳別離恨歸心雙淚流

宋州東登望題武陵驛

梁宋人稀鳥自啼登壇一望倍含悽白骨半隨河水去
黃雲猶傍郡城低平陂戰地花空落舊苑春田草未齊
明主頻移虎符去幾時行縣向黔黎

早秋京口旅泊贈張侍御

移家避寇逐行舟厭見南徐江水流吳地征徭非舊日

秣陵凋弊不勝秋，千家閉戶無砧杵。
七夕何人望斗牛，只有同時驄馬客。
偏題尺牘問窮愁。

蘇臺至望亭驛，人家盡空悵。
然有作寄從弟紆，南浦菰蒲覆白蘋。
東吳黎庶逐黃巾，野棠自發空流水。
江燕初歸不見人，遠樹依依如送客。
平田渺渺獨傷春，那堪回首長洲苑。
烽火年年報虜塵。

暮春宜陽郡齋愁坐，忽枉劉七侍御詩，因以酬答。

子規夜夜啼檣葉遠道逢春半是愁芳草伴人還易老
落花隨水亦東流山當埤垠常多雨地近瀟湘畏及秋
唯羨君為周柱史手持黃紙到滄洲

送皇甫冉往安宜

江皋盡日唯烟水君向白田何日歸楚地蘼葭連海迴
隋朝楊柳映堤稀津樓故市生荒草山館空城閉落暉
若問行人與征戰使君雙淚定沾衣

送宋中舍遊江東

孤城郭外送王孫
越水吳洲共爾論
野寺山邊斜有徑
漁家竹裏半開門
青楓獨映搖前浦
白鷺閒飛過遠村
若到西陵征戰處
不看秋草自傷魂

晚發咸陽寄同院遺補

征戰初休草又衰
咸陽晚眺淚堪垂
去路全無千里客
秋田不見五陵兒
秦家故事隨流水
漢代高墳對石碑
迴首青山獨不語
羨君談笑萬年枝

題遊仙閣息

一作白

公廟

仙冠輕舉竟何之
薜荔緣堦竹映祠
甲子不知風御日
朝昏唯見雨來時
霓旌翠蓋終難遇
流水青山空所思
逐客自憐雙鬢改
焚香多負白雲期

劉方平

寄巖八判官

洛陽新月動秋砧
瀚海沙場天半陰
出塞能全仲叔策
安親更切老萊心
漢家宮裏風雲晚
羌笛聲中雨雪深
懷袖未傳三歲字
相思空作隴頭吟

秋夜寄皇甫冉鄭豐

洛陽清夜白雲歸城裏長河列宿稀
秋後見飛千里雁月中聞搥萬家衣
長憐西雍青門道久別東吳黃鶴磯
借問客書何所寄中心不啻兩鄉違

郎士元

春日燕王起城東別業

柳陌乍隨洲勢轉花源忽傍竹陰開
能令瀑水清人境直取流鶯送酒杯
山下古松當綺席簷前片雨滴春苔

地主同聲復同舍留連不畏夕陽催

酬王季友題半日村別業兼呈李明府

村映寒原日已斜烟生密竹早歸鴉
長溪南路當羣岫半景東隣照數家
門通小徑連芳草馬飲春泉踏淺沙
欲待主人林上月還思潘令縣中花

寄韋司直

聞君感嘆二毛初舊友相依萬里餘
烽戍有時驚暫定甲兵何處可安居
客來吳地星霜久家在平陵音信疎

昨夜東風還入戶登山臨水復何如

贈錢起秋夜宿靈臺寺見寄

石林精舍虎溪東夜扣禪扉謁遠公月在上方諸品靜
心持半偈萬緣空蒼苔古道行應遍落木寒泉聽不窮
更憶雙峯最高頂此心期與故人同

送粲上人兼寄梁鎮員外

季月還鄉獨未能林行溪宿厭層冰尺素欲傳三署客
雪山愁送五溪僧連雲朔氣橫秦苑滿目寒烟隔灞陵

借問從來香積寺何時攜手更同登

韓翃

同題仙遊觀

仙臺初見五城樓風物淒淒宿雨收
山色遠連秦樹晚磴聲近報漢宮秋
疎松影落空壇靜細草春香小洞幽
何用別尋方外去人間亦自有丹丘

送劉評事赴廣東使幕

征南官屬似君稀才子當今劉孝威
蠻府參軍趨傳舍

交州刺史拜行衣前臨漲海無人過却望衡陽少雁飛
為報蒼梧雲影道明年早送客帆歸

送冷朝陽還上元

青絲纜引木蘭船名遂身歸拜慶年落日澄江鳥榜外
秋風踈柳白門前橋通小市家林近山帶平湖野寺連
別後依依寒食裏共君攜手在東田

送王光輔歸青州兼寄儲侍御

幾回奏事建章宮聖主偏知漢將功身著紫衣趨闕下

口銜丹詔出關東
蟬聲驛路秋山裏
草色河橋落照中
遠憶故人滄海別
當年好躍五花驄

送李少府入蜀

行行獨出故關遲
南望千山無盡期
見舞巴童應暫笑
聞歌蜀道又堪悲
孤城晚閉清江上
足馬寒嘶白露時
別後此心君自見
山中何事不相思

送田明府歸終南別業

故園此日多心賞
牕下流泉竹外雲
近館應逢沈道士

比隣自識卞田君
離宮樹影登山見
上苑鐘聲過雪聞
相勸早移丹鳳闕
不須長戀白鷗羣

送高別駕歸汴州

信陵門下識君偏
駿馬輕裘正少年
寒雨送歸千里外
東風沉醉百花前
身隨玉帳心應愜
官佐銅符勢又全
久客未知何計是
參差去借汶陽田

寄徐州鄭使君

江城五馬楚雲邊
不羨雍容畫省年
才子舊稱何水部

使君還繼謝臨川射堂草遍收殘雨官路人稀對夕天
雖卧郡齋千里隔與君同見月初圓

送故人赴江陵尋庾牧

主人持節拜荊州走馬應從一路遊班竹岡連山雨暗
枇杷門向楚天秋佳期笑把齋中酒遠意閒登城上樓
文體此時看又別吾知小庾甚風流

盧綸

長安春望

東風吹雨過青山却望千門草色閒家在夢中何日到

劉云自在

春來江上幾人還川原繚繞浮雲外宮闕參差落

照間誰念為儒逢世難獨將衰鬢客秦關

方云能言久客之意

晚次鄂州

雲開遠見漢陽城猶是孤帆一日程
估客晝眠知浪靜舟人夜語覺潮生
三湘愁鬢逢秋色萬里歸心對月明
舊業已隨征戰盡更堪江上鼓鼙聲

至德中途中書事寄李憺

亂離無處不傷情，況復看碑到古城。
路遠寒山人獨去，月臨秋水雁空驚。
顏衰重喜歸鄉國，身賤多慚問姓名。
今日主人還共醉，應憐世故一儒生。

酌暢當嵩山尋麻道士見寄

聞逐樵夫閒看碁，忽逢人世是秦時。
開雲種玉嫌山淺，渡海傳書怪鶴遲。
陰洞石幢微有字，劉云好古壇松樹半

無枝。煩君遠示青囊錄，願得相從一問師。

訓李端野寺病居見寄

野寺昏鐘山色陰
亂藤高竹水聲深
農夫就餉還依草
野雉驚飛不過林
齋沐暫思同靜室
清羸已覺助禪心
寂寞日長誰問疾
料君唯取古方尋

司空曙

長安曉望寄程補闕

迢遞山河擁帝京
參差宮殿接雲平
風吹曉漏經長樂
柳帶晴烟出禁城
天淨笙歌臨路發
日高車馬隔塵行
獨有淺才甘未達
多慚名在魯諸生

南原望漢宮

荒原空有漢宮名
衰草茫茫雉堞平
連雁下時秋水在
行人過盡暮烟生
西陵歌吹何年別
南陌登臨此日情
故事悠悠不可問
寒禽野水自縱橫

秋日趨府上張大夫

重城洞啓肅秋烟
共說羊公在鎮年
輦鼓暗驚林葉落
旌旗遙拂雁行偏
石過橋下書曾受
星降人間夢已傳
謫吏何能沐風化
空將歌頌拜車前

訓李端校書見贈

綠槐垂穗乳烏飛，忽憶山中獨未歸。
青鏡流年看髮變，白雲芳草與心違。
乍逢酒客春遊慣，久別林僧夜坐稀。
昨日聞君到城闕，莫將簪弁勝荷衣。

題陳上人院

閉門不出自焚香，擁褐看山歲月長。
雨後綠苔生石井，秋來黃葉徧繩牀。
身閒何處無真性，年老曾言隱故鄉。
更說本師同學在，幾時攜手見衡陽。

贈衡岳隱禪師

擁褐安居南陌頭
白雲高寺見衡州
石牕湖水搖寒月
楓樹猿聲報夜秋
講席舊逢山鳥至
梵經初向竺僧求
自知身老將傳法
因下人間遂北遊

送王尊師南歸

烟蕪滿洞青山遶
幢節飄空紫鳳飛
金闕乍看迎日麗
玉簫遙聽隔花微
多開石髓供調膳
時御霓裳奉易衣
莫學遼東華表上
千年始欲一回歸

李端

宿淮浦憶司空文明

愁心一倍長離憂
夜思千重戀舊游
秦地故人成遠夢
楚天涼雨在孤舟
諸溪近海潮皆應
獨樹邊淮葉盡流
別恨轉深何處寫
前程唯有一登樓

送濮陽錄事赴忠州

成名不遂雙旌遠
空印還為一郡雄
赤葉黃花隨野岸
青山白水映江楓
巴人夜語孤舟裏
越鳥春啼萬壑中

聞說古書多未校肯令才子久西東

夜投豐德寺謁液上人

半夜中峰有磬聲
偶逢樵者問山名
上方月曉聞僧語
下界林疎見客行
野鶴巢邊松最老
毒龍潛處水偏清
愿得遠公知姓字
焚香洗鉢過餘生

秦系

題茅山李尊師山居

天師百歲少如童
不到山中竟不逢
洗藥每臨新瀑水

步虛時上最高峰
籬間五月留殘雪
石上千年蔭怪松
此去人寰今遠近
回看雲壑一重重

獻薛僕射

系家于剡向盈一紀大厯五年人以文聞鄴守薛公無何奏系為古衛率

府倉曹參軍意所不欲自獻斯文

由來那敢議輕肥
散髮行歌自采薇
逋客未能忘野興
辟書翻遣脫荷衣
家中匹婦空相笑
池上羣鷗盡欲飛
更乞大賢容小隱
益看愚谷有光輝

竇叔向

夏夜宿表兄宅話舊

夜合花開香滿庭夜深微雨醉初醒
遠書珍重何曾達舊事淒涼不可聽
去日兒童皆老大昔年親友半凋零
明朝又是孤舟別愁見河橋酒幔青

張志和

漁父

八月九月蘆花飛南溪老人垂釣歸
秋山入簾翠滴滴野艇倚檻雲依依
却把魚竿尋小徑閒梳鶴髮對斜暉

翻嫌四皓曾多事出為儲皇定是非

嚴維

送崔同使往睦州兼寄薛司戶

如今相府用英髦獨往南州肯告勞
冰水近開漁浦出雪雲初卷定山高
木奴花映桐廬縣青雀舟隨白鷺濤
使者應須訪廉吏府中唯有范功曹

崔峒

題同官李明府書舍

松堂寂寂對烟霞
五柳門前聚晚鴉
流水聲中視公事
寒山影裏見人家
觀風共美新為政
計日還應更觸邪
可惜陶潛無限興
不逢籬菊正開花

送韋八少府判官歸東京

玄成世業紫真官
文似相如貌勝潘
鴻雁南飛人獨去
雲山一別歲將闌
清淮水急桑林晚
古驛霜多柿葉寒
瓊樹相思何日到
銀鈎數字莫為難

寄上韋蘇州兼呈吳縣李明府

數年湖上謝浮名竹杖紗巾遂稱情雲外有時逢寺宿
日西無事傍江行陶潛縣裏看花發庾亮樓中對月明
誰念獻書來萬里君王深在九重城

贈竇十九

時公車待
詔長安

靈臺暮宿意多違木落花開羨客歸江海幾時傳錦字
風塵不覺化緇衣山陽會裏同人少灞曲農時故老稀
幸得漢皇容直諫憐君未遇覺人非

耿緯

塞上曲

慣習干戈事鞍馬初從少小在邊城身微久屬千夫長
家遠多親五郡兄懶說疆場曾大獲且悲年鬢老長征
塞鴻過盡殘陽裏樓上嗚嗚暮角聲

上裴行軍中丞

胡塵已滅天山外閉閣陰陰日復曛櫪上驂騑嘶鼓角
門前老將識風雲旌旗四面高秋見絲竹千家靜夜聞
莫道古來多計策功成唯有李將軍

送友人歸南海

遠別悠悠白髮新
江潭何處是通津
潮聲偏懼初來客
海味唯甘久住人
漠漠烟光前浦晚
青青草色定山春
汀洲更有南回雁
亂起聯翩北向秦

張繼

會稽郡樓雪霽

江城昨夜雪如花
郢客登樓望霽華
夏禹壇前仍聚玉
西施浦上更飛沙
簾櫳向晚寒風度
睥睨初晴落景斜

數處微明銷不盡湖山青映越人家

張南史

陸勝宅秋雨中探韻同前

同人永日自相將深竹閒園偶辟疆已被秋風教憶鱸

更聞寒雨動飛觴

物理俱美
情致兼深

歸心莫問三江水旅服從

霜九日霜醉裏欲尋騎馬路蕭條是處有垂楊

于鵠

醉後寄山中友人

昨日山家春酒濃
野人相勸久從容
獨憶卸冠眠細草
不知誰送出深松
都忘醉後逢
庶度不省歸時見
魯恭
知己尚嫌身
酩酊路人應
恐笑龍鍾

送宮人入道

十五吹簫入漢宮
看修水殿種芙蓉
自傷白髮辭金屋
許著黃冠向雪峰
解語老猿開曉戶
學飛鵲鶴落高松
定知別後宮中伴
遙聽緱山半夜鐘

唐詩品彙卷八十六

欽定四庫全書

集部

唐詩品彙卷八十七至九十

詳校官檢討臣德生

助教臣常循覆勘

總校官進士臣朱鈐

校對官編修臣勵守謙

謄錄監生臣慈意誠

欽定四庫全書

唐詩品彙卷八十七

明 高棟 編

七言律詩六

接武

下

李益

送賈校書東歸寄振上人

北風吹鴈數聲悲
況指前林是別時
秋草不堪頻送遠

白雲何處更相期
山隨匹馬行看暮
路入寒城獨去遲
為向東州故人道
江淹已擬惠休詩

鹽州過胡兒飲馬泉

綠楊着水草如煙
舊是胡兒飲馬泉
幾處吹笳明月夜
何人倚劒白雲天
從來凍合關山路
今日分流漢使前
莫道行人照容鬢
恐驚憔悴入新年

鶴雀樓

鶴雀樓西百尺檣
汀洲雲樹共茫茫
漢家簫鼓空流水

魏國山河半夕陽事去千年猶恨速愁來一日即為長
風烟並起思鄉望遠目非春亦自傷

朱灣

過宣上人湖上蘭若

十年湖上結幽期偏向東林遇遠師未道姓名童子識
不誚言語上人知閒花落地滋苔徑細雨和烟着柳枝
問我別來何所得解將無事當無為

同達奚宰遊竇子明仙壇

松檜陰深一逕微中峯石室到人稀仙官不住青山在
故老相傳白日飛華表問栽何歲木片雲留着去時衣
今朝茂宰尋真處暫駐雙鳬且莫歸

平度寓居再逢寒食

幾迴江上泣途窮每遇良辰嘆轉蓬火燄知從新節變
灰心還與故人同莫聽黃鳥愁啼處自有花開久客中
貧病固應無撓事但將懷抱醉春風

權德輿

和司門殷員外早秋省中直夜寄荆南衛端公
共嗟王粲滯荊州才子為郎憶舊遊涼夜偏宜粉署直
清言遠待玉人酬風生北渚烟波濶露下南宮星漢秋
早晚得為同舍旅知君兩地結離憂

送張閣老中丞持節弔回鵲

旌旆翩翩擁漢官君行當得遠人歡分職南臺知禮重
校書東觀見才難金章玉節鳴騶遠白草黃雲出塞寒
欲散別愁唯有酒暫煩賓從駐征鞍

田家即事

閒卧藜牀對落暉
翛然便覺世情非
漠漠稻花資旅食
青青荷葉製儒衣
山僧相勸期中飯
漁父同遊或夜歸
待學尚平婚嫁畢
渚烟溪月共忘機

待漏假寐夢歸江東舊居因寄惠閣藜茅處士

時德輿秉政
未果會故也

十年江浦卧郊園
閒夜分明結夢魂
舍下烟蘿通古寺
湖中雲雨到前軒
南宗長老知心法
東郭先生識化源

覺後忽聞清漏曉又隨簪珮入君門

戴叔倫

贈司空拾遺

侍臣何事辭雲陛江上彈冠見雪花
望闕未承丹鳳詔開門空對楚人家
陳琳草奏才還在王粲登樓興不賒
高館更容塵外客仍令歸去侍瓊華

越溪村居

年來橈客寄禪扉多話貧居在翠微
黃雀數聲催柳變清

溪一路踏花歸空林野寺經過少落日深山伴侶稀
負米到家春未盡風蘿閒掃釣魚磯

贈韓道士

鼓吹作
張沙詩

日莫秋風吹野花上清歸客意無涯桃源寂寂烟霞閉
天路悠悠星漢斜還似世人生白髮定知仙骨變黃芽
東城南陌頻相見應是壺中別有家

張濯

題舜廟

古都遺廟出河汾萬代千秋仰聖君
蒲坂城邊長逝水蒼梧野外不歸雲
寥寥薦設魂應在寂寂虞篇德已聞
向晚風吹庭下栢猶疑琴曲詠南薰

楊巨源

送定法師歸蜀法師即紅樓院供奉廣宣上人
兄弟

鳳城初日照紅樓禁寺公卿識惠休
詩引棣華沾一雨經分貝葉向雙流
孤猿學定前山夕遠鴈傷離幾地秋

空性碧雲無處所約公曾許剡溪遊

贈史開封

天低芳草誓師壇
鄧艾心知戰地寬
鼓角迴臨霜野曙
旌旗高對雪峯寒
五營向水紅塵起
一劍當風白日看
曾從伏波征絕域
磧西蕃部怯金鞍

奉寄通州元九侍御

大明宮殿鬱蒼蒼
紫禁龍樓直署香
九陌華軒爭道路
一枝寒玉任烟霜
須聽瑞雪傳心語
莫被啼猿續淚行

共說聖明容直氣期君新歲奉恩光

早朝

鐘傳清禁纔應徹漏報仙闈儼已開
雙闕薄烟籠菡萏九成初日照蓬萊
朝時但向丹墀拜仗下方從碧殿迴
聖道逍遙更何事願將巴曲贊康哉

元日含元殿下立仗上門下相公

臨軒啓扇似雲收率土朝天劇水流
瑞色含春當正殿香烟捧日在高樓
三朝氣早迎恩澤萬歲聲長繞冕旒

請問漢家功第一麒麟閣上識鄼侯

酬于駙馬

芳時碧落心應斷今日清詞事不同
瑤草秋殘仙圃在彩雲天遠鳳樓空
晴花暖送金羈影涼葉寒生玉殿風
長得聞詩歡自足會看春露濕蘭叢

郝新齋曰春露濕蘭叢為公主先述

而有子也六義中為興也

贈張將軍

關西諸將揖容光獨立營門劍有霜
知愛魯連歸海上

肯令王翦在頻陽天晴紅幟當山滿日暮清笳入塞長

年少功高人最美漢家壇樹月蒼蒼

郝新齋曰言漢將之壇已為陳跡不

若將軍年少功高抑彼揚此之意也

和侯大夫秋原山觀征人回

兩河戰罷萬方清原上軍回識舊營立馬望雲秋塞靜
射鵬臨水晚天晴戍間部伍分岐路地遠家鄉寄旆旌
聖代止戈資廟畧諸侯不復更長征

送澹公歸嵩山龍潭寺葬本師

野烟秋水蒼茫遠禪境真機去住閒雙樹為家思舊壑
千花成塔禮寒山洞宮曾向龍邊宿雲徑應從鳥外還
莫戀本師金骨地空門無處復無關

武元衡

荊師

金貂再入三公府錦帳連封萬戶侯簾捲青山巫峽曉
雲凝碧樹渚宮秋劉琨坐笑風生苑謝朓裁詩月滿樓
白雲調高歌不得美人南國翠蛾愁

春題龍門香山寺

衆香天上梵仙宮
鐘磬寥寥半碧空
清景乍開松嶺月
亂流長響石樓風
山河杳映春雲外
城闕參差曉樹中
欲盡出尋那可
得三千世界本無窮

劉禹錫

金陵懷古

王濬樓船下益州
金陵王氣黯然收
千尋鐵鎖沉江底
一片降旗出石頭
人世幾回傷往事
山形依舊枕寒流

今逢四海為家日故壘蕭蕭蘆荻秋

元微之韋楚客與錫會于白樂天之

居各賦金陵懷古劉無遲意滿引一揮而成白公曰四子探驪龍吾子先得其珠其餘麟甲何為三公於是罷吟

荊門道懷古

南國山川舊帝畿宋臺梁館尚依稀馬嘶古樹行人歇
麥秀空城野雉飛風吹落葉填宮井火入荒陵化寶衣
徒使詞臣庾開府咸陽終日苦思歸

松滋渡望峽中

渡頭輕雨灑寒梅雲際溶溶雪水來夢渚草長迷楚望

夷陵土黑有秦灰
巴人淚應猿聲落
蜀客船從鳥道迴
十二碧峯何處所
永安宮外有荒臺

同樂天送河南馮尹學士之任

可憐五馬風流地
暫綴金貂侍從才
閣上掩書劉向去

門前修刺孔融來

方虛谷云馮自館閣出為河南尹用事甚精

峻陵路靜寒無雨

洛水橋長晝起雷
却羨府中棠棣好
先於城外百花開

柳宗元

登柳州城樓寄漳汀封連四州刺史

城上高樓接大荒，海天愁思正茫茫。
驚風亂颭芙蓉水，密雨斜侵薜荔牆。
樹重遮千里，目江流曲似九迴腸。
共來百越文身地，猶自音書滯一鄉。

別舍弟宗一

零落殘魂倍黯然，雙垂別淚越江邊。
一身去國六千里，萬死投荒十二年。
桂嶺瘴來雲似墨，洞庭春盡水如天。
欲知此後相思夢，長在荊門郢樹烟。

韓愈

奉和庫部盧四兄曹長元日朝迴

盧汀也

天仗宵嚴建羽旄春雲送色曉雞號金爐香動螭頭暗
玉珮聲來雉尾高戎服上趨承北極儒冠列侍映東曹
太平時節難身遇郎署何須笑二毛

和水部張員外宣政殿賜百官櫻桃詩

漢家舊種光明殿炎帝還書本草經豈似滿朝承雨露
共看傳賜出青冥香隨翠籠擎初到色映銀盤寫未停
食罷自知無所報空然愧汗仰皇扃

晉公破賊回重拜台司以詩示幕中賓客愈奉和
南伐旋師太華東天書夜到冊元功將軍舊歷三司貴
相國新兼五等崇鴛鴦欲歸仙仗裏熊羆還入禁營中
長慚典午非材賦得就閒官即至公

陳羽

長安卧病秋夜言懷

唐音作
盧綸詩

九重門鎖禁城秋月過南宮漸映樓紫陌夜深槐露滴
碧空雲淨火星流清風刻漏傳三殿甲第歌鐘樂五侯

楚客病來鄉思苦寂寥燈下不勝愁

送友人下第東歸

五陵春色泛花枝心醉花前遠別離
落第耻為關右客成名空羨里中兒
都門雨歇愁分處山店燈殘夢到時
家住洞庭多釣伴因來相賀語相思

張籍

寒食內宴

城闕沉沉向曉寒思當冷節賜餘歡
瑞烟入處開三殿

香雨微時引百官寶樹樓前分繡幕綠花廊下映朱闌
宮筵戲樂年年別已得三回對御看

寄蘇州白二十一使君

三朝出入紫微臣頭白金章未在身登第早年同座主
題書今日異州人閭門柳色烟中遠茂苑鶯聲雨後新
此處吟詩向山寺知君忘却曲江春

王建

早春午門西望

百官朝下午門西塵起春風滿御堤黃帕蓋鞍呈過馬
紅羅纏項鬬回雞館松枝重牆頭出渠柳條長水面齊
惟有教坊南草色古城陰處冷淒淒

獻王樞密

先朝行坐鎮相隨今上春宮見長時脫下御衣親賜著
進來龍馬每教騎長承密旨歸家少獨奏邊機出殿遲

不是大家頻向說九重爭得外人知

建初為渭南尉與宦者王守澄有宗

人之分因過飲以相戲守澄深恨曰吾弟所作宮詞禁
掖深邃何以知將劾奏建因賦此篇以解之其事遂寢

白居易

尋郭道士不遇

郡中乞假來相訪，洞裏朝元去不逢。
看院只留雙白鶴，入門唯見一青松。
藥爐有火丹應伏，雲碓無人水自舂。
欲問參同契中事，未知何日得相從。

與劉夢得偶同到敦詩宅感而題壁

山東纔副蒼生望，川上俄驚逝水波。
履道淒涼新第宅，宣城流落舊笙歌。
園荒惟有薪堪採，門冷兼無雀可羅。

今日相隨偶同到傷心不是故經過

元稹

和樂天早春見寄

雨香雲淡覺微和誰送春聲入棹歌
萱近北堂穿土草柳偏東面受風多
湖添水色消殘雪江送潮頭湧漫波
同受新年不同賞無由縮地欲如何

殷堯藩

和趙相公登鶴雀樓

危樓高架次寥天上相門登立綠旂樹色到京三百里
河流歸漢幾千年晴峯聳日當周道秋穀垂花滿舜田
雲路何人見高志最看西面赤闌前

賈島

早秋寄題天竺靈隱寺

峯前峯後寺新秋絕頂高
牕見沃州人在定中聞蟋蟀
鶴曾棲處掛獼猴山鐘夜度空
江水汀月寒生古石樓
心憶懸帆身未遂謝公此地昔曾遊

送羅少府歸牛渚

作尉長安始三日忽思牛渚夢天台楚山遠色獨歸去
灞水空流相送回霜覆鶴身松子落月分螢影石房開
白雲多處應頻到寒澗泠泠漱古苔

題號州吳郎中三堂

無窮草樹昔誰栽新起臨湖白石臺半岸沙泥孤鶴立
三堂風雨四門開荷翻團露驚秋近柳轉斜陽過水來
昨夜北樓堪朗詠號城初鎖月徘徊

姚合

和高諫議蒙兼賓客時入翰苑

兼秩恩歸第一流時尋仙路向瀛洲鐘聲迢遞銀河曉
林色蔥蘢玉露秋紫殿講筵隣御座青宮賓榻入龍樓
從來共結歸仙侶今日多應獨自休

和劉禹錫主客冬初拜表懷上都故人

九陌喧喧騎吏催百官拜表禁城開林疎曉日明紅葉
塵靜寒霜覆綠苔玉珮聲微班始定金函光動接初來

此時共想朝天客謝食方從閣裏迴

送源中丞使新羅

丹墀召對使殊方官重霜臺紫綬光
玉節在船清海怪金函開詔拜夷王
雲晴漸覺山川異風便那知道路長
誰得似君將雨露海東萬里灑扶桑

送劉禹錫郎中赴蘇州

三十年來天下名銜恩東守闔閭城
初經函谷眠山驛漸入梁園問水程
霽日滿江寒浪靜春風遶郭白蘋生

虎丘野寺吳中少誰伴吟詩月裏行

送貞實上人歸杭州天竺寺

石橋寺裏最清涼聞說茅庵寄上方
林外猿聲連院磬月中湖色到禪牀
他生念我身何在此世唯師性亦忘
九陌相逢千里別青山重疊樹蒼蒼

王初

送葉秀才

快騎璵璠刻玉羈河梁返照上征衣
層冰春近蟠龍起

九澤雲間獨鶴飛行想北山清夢斷重游西洛故人稀
漢廷狗監深知已有日前驅負弩歸

李紳

憶夜直金鑾奉詔

月當銀漢玉繩低深聽簫韶碧落齊門壓紫垣高綺樹
閣連青瑣近丹梯墨宣外渥催飛詔草定新恩促換題
明日獨歸花路遠可堪人世隔雲霓

過鍾陵長慶三年余除江西觀察使奉詔不之

任而作

龍沙江尾抱鍾陵水郭津橋晚景澄江對楚山千里月
郭連漁浦萬家燈省拋雙旆辭榮寵遽落丹青起愛憎
惆悵舊遊同草露却思恩顧一沾膺

江南暮春寄家

洛陽城見梅迎雪魚口橋逢雪送梅劍水寺前芳草合
鏡湖亭上野花開江鴻斷續翻雲去海燕差池拂水回
想得心知寒食近潛聽鶯鵲望歸來

入泗口

洪河一派清淮接堤草蘆花萬里秋煙樹蒼茫分楚澤
海雲明滅見揚州望深江漢連天遠思起鄉關滿眼愁
惆悵路岐真此處夕陽西沒水東流

周賀

贈厲玄侍御

山松徑與瀑泉通巾舄行吟想越中塞鴈去經華表末
鄉僧來自海濤東關分河漢秋鐘絕露滴獼猴夜嶽空

抱疾因尋周柱史杜陵寒葉落無窮

泗上逢韓司徒歸北

多病十年無舊識滄洲亂後只逢君
已知罷秩辭瀧水相勸移家住岳雲
泗上旅帆侵疊浪雪中歸路踏荒墳
更為此別愁應老書札何由到北軍

唐詩品彙卷八十七